

TJERITA
SI SABARIAH

Atau satu tjinta jang sutji dan pem-
bunuhan jang ngeri terdjadi
di Sungai Batang pada
tahun 1915



DIKARANG OLEH:

(Hamka)

Datuk Indomo

BUKITTINGGI

Tjetakan jang keempat

Hak milik bagi pengarang

ang mentjatak sebelum izin dari pengarang

No. **HIBAH**
DARI BAPAK LUKMAN ALI
UNTUK BALAI BAHASA PADANG

| | |
|---|--------------------|
| BALAI PERPUSTAKAAN BALAI BAHASA PADANG | |
| DATE/TAHUN TGL : | 6 September 2000 |
| SUMBER/BAWA : | H |
| KOLEKSI : | |
| No. INVENTARIS : | 3466/H/2000/S: 1/2 |
| LASIFIKASI : | 899. 223. 13 |

TJERITA

SI SABARIAH

Atau satu tjinto jang sutji dan pem-
bunuhan jang ngeri terdjadi
di Sungai Batang pada
tahun 1915

DIKARANG OLEH:

(Hamka)

Datuk Indomo

BUKITTINGGI

Tjetakan jang keempat


Hak milik bagi pengarang

Dilarang mentjatak sebelum izin dari pengarang

DIJETAH PADA:


Pertjetakan "SAMARATULICHWAN"

Bukittinggi April 1957



Tjerita

Si Sabariah



Tinggi bukit disubarang,
tampak nan dari tanah sirah,
bakelok rupo kampuang pandan,
ka danau pai manjilam.
geraikan rambuik pulang mandi;
sarai sarumpun balah2.
Mulonjo kaba hambo karang,
takana kampuang tumpah darah,
paisi njawo djo badan,
paukua timbangan paham,
pahadjuak lauran budi,
barilah ampun kalau salah.

Kaba barito kami danga ado saurang parampuan banamo si Sariaman barumah dikoto tinggi dikida djalan panadjunan dalam daerah Sungai Batang anaknjo surang parampuan banamo si Sabariah nan elok nan baik budi rupo elok tampan tabawo tau di'adat djo limbago namuah mandanga patuturan kuek baguru djo baladja n muah kasurau tiok hari tambatan hati ibu bapak limpahan sajang niniak mamak buah tutua nan samo gadang hormat pulo kasuami suaminjo urang mudo pulo banamo si Pulai urang mudo nan haluih paham pandai bagurau samo gadang pangasih diurang mudo panjajang dianak ketek hormat kapado urang tuo baijua namuah maisi badjalan namuah mairiang.

Dek elok rupo pargaulan sarupo santan djo tang-

guli sarupo bulan djo marohari saketek sadjo nan maru
suah ijo hiduik tidak sadang manjadang pitih nan tidak
sampai manjampai bapadi sapangga tahun kok ditahan
djuo hiduik dikampuang namualilah susuik paruntuangan
tambahan pulo lai nan marusuah 'adat dinagari ka ditu-
ruik limbago nan ka diisi manolah 'adat urang disinan
diranah Sungai Batang urang mudo suko marantau ma
ninggakan Koto djo Nagari badjalan karantau urang ijo
mantjari aia nan djaniah manuruti sajak nan landai man
tjarikan pungguang tidak basaok kapalo nan tidak ba-
tutuik kok paruik nan tidak barisi sampai tabik papa-
tah urang ibarat kieh djo bandiang :

Eloklah budjang pai kapakan,
kapakan elok ka Pauh,
kasawah baluluak2,
Eloklah budjang pai badjalan,
badjalan eloklah djauah,
dirumah manjeso induak.

nak duo pantun sairiang;

Manangih mangunga2,
karano pisang sakuduang,
Maso ketek tanggungan ibu,
lah gadang tjarikan surang.

Uliah karano damikian rakuik di 'adat karalangga
si Pulau sangadjo pulo kabadjalan dari kampuang kasiah
djo kampuang ditinggakan kasiah dianak dipatangih kok
djuah bana badan kini baramu tjinto djo takadia sala-
mat sadjo pulang pai tidak kurang suatu apo.

Allah ta'ala ka mambantu ado kapado suatu hari

sadangnjo duduak didalam rumah 'akal tumbuah sasudah makan paham tibo paruiik barisi sadang dirumah man deh kanduangnjo lalu bakato sanan si Pulai kapado bun do kanduang diri : manolah bundo djanjo hambo adolah sabuah nan marusuah alah lamo hambo dalam kampuang alah sampai pulo hambo babini ijolah mandjadi urang tuo paham singkek 'akalpun kurang tangan tak ado kapahu buang atjok mukasuik tidak sampai atjok kahandak nan taganggu hiduik 'ibarat anai2 angan2 handak manggi-riak langik malang ditangkok dek lajang2 dek bangsaik badan nangko djuo.

Kini bak nangko nan taraso eloklah 'adat hambo turuik limbago elok hambo tuang 'adat didalam nagari kito dek tidak sadang manjadang tidak basawah nan ba djangjang tidak ado harato banjak pado mangurang ma-usa'i eloklah hambo pai badjalan manudju rantau nan lai rami nak buliah sanang didalam hati.

Mandanga kato nan bak kian mandjawab malah bundo kanduangnjo : Anak denai padja si Pulai rumik dek bundo ka mandjawab takuntji lidah ka batutua lihia den bangkak dek bapikia kamari salah tumah rasonjo. Kalau bundo pikiakan bana anak surang laki2 koknjo sakik bundo ditinggakan siapa mantjarikan ubek kalau bundo sakik taruih sakali mati siapa mandjapuik urang siak kalangang malah rumah hanjo lai tapi samantang pun baitu bundo pikia sabaliak lai anak alah mandjadi urang gadang sumando karumah urang djo apo urang dibari makan tatakaloa nak ka ditarimo urang lalu nikah kawin sakali nasib ananjo disarahkannjo buruak baiknjo anak tanggung djoapo urang dihidupi banang-

ko pulo djinihjo hiduik kito hiduik 'ibarat induak ajam mangakeh baru mantjorok alah lamo bundo pikiakan.

Si lajok namonjo kumbang,
 tabang kalauik api2.
 Hilang lanjok tidak ditupang,
 'adat baranak laki2.

Tidaklah bundo rantang pandjang djo lakeh sadjo humbo djawab dengan sagalo suko hati bundo lapeh anak badjalan tjari dek anak paruntuangan kalau anak lai basungguah hati tidaklah Tuhan akan lupu Tuhan Allah basipat murah apo kahundak ka balaku apo dipintak tantu buliah.

Tapi samantangpun baitu kok djadi anak badjalan manudju rantau nan djauah ingati nasihat mandeh 'adat limbago urang dagang nak buliah anak 'amalkan anak katjarai djo nagari rantau akan dituruik katahui 'adat djo limbago pakaikan paham budi haluih kalau manatap anak disanan bukan uang sadjo nan ditjari baso djo basi tjari pulo katahui angin nan ka mandingin katahui ranggeh nan ka ma lantiang manjahuak dihilia2 bakato dibawah2 air urang samo disahuak rantiang urang samo dipatah 'adat urang samo diisi.

Kok djadi anak kapakan,
 iju bali balanak bali,
 ikan pandjang bali dahulu.
 Kok djadi anak badjalan,
 ibu tjari dunsanak tjari,
 induak samang tjari dahulu.

Kok pandai babungo kambing,

labiah saelok babungo nibuang.
 Kok pandai bainduak samang.
 labiah saelok bundo kanduang.

Bukan sabuah ka diingati badjalan salangkah ma hadok suruik bakato sapatah dipikiakan satinggi2 malambuang kumbali katanah djuo denai lapeh anak badjalan denai bari batali pandjang sadjauah2 tabang kumbali kasangka djuo sabuah lai tu anak kanduang :

Sabalun anak turun djandjang pandai2 anak baka to elok2 anak batutua ubeklah hati bini anak siupiak si Sabariah suruah basaba injo dahulu baitu pulo djo mintuo nan banamo si Sariaman baolah mupakat niniak mamaknjo bao baijo karik ba'ik dilapeh djo do'a anak turun djandjang pikia pandapek hati bundo kalau tidak kito baitu malangga 'adat tu namonjo kito bakorong djo bakampuang kito bakoto banagari kito ba 'adat bapusako kok tidak harato bando alua djo patuik tantu dituruik.

Mandanga kato nan bak kian mandjawab sanan si Pulai : Kalau baitu kato bundo insja Allah baiklah itu hambo tarimo nasihat bundo hambo iekkan didalam hati hambo lakekan dalam pikiran buliah salamatkan hambo.

Ado antaro duo hari alah langkok rukun djo sjaratnjo di'amalkannjo pitua mandehnjo didjalang bini djo mamak mamintak izin ka badjalan bakato sanan si Pulai kapado si Sabariah : hambo bamukasui ka badjalan, lapeh dek adiak badan hambo lapehlah dengan sutji hati alah sudah hambo pikiakan tidak djauah hambo badjalan hanjo karanah Udjuang Gunuang dalam daerah Pariaman

djo saba malah adiak lapeh Kok ado Allah ka mambari ham bo pulang dihari rajo kok tumbuhan maro malintang tan tula surek hambo kirimkan kok tidak pulang dihari rajo nantikan dibulan hadji kok tidak dibulan hadji nan tikan dibulan maulud kok tidak pulo nan baitu kaba barito dangakan djuo .

Mandanga kato nan bak kian agaklah si Sabariah baitu niat suaminjo dilapeh malah djo hati surji pado hari Sinajan pagi2 badjalan si Pulai hanjo lai alah tingga Korong djo Kampuang alah tingga tapiian tampek mandi alah hilang rupo Sungai Batang.

Tidaklah lamo antaronjo sampai diranah Udjuang Gunung lalu disanan mantjari panghidupan limbago dangang alah dipakai hari nan sadang tengah hari sadangnjo bunta bajang2 kukuak ajam badarai2 murai bakitjau ateh kaju alang bakulik diudaro langikpun djaniah biru babajang padi disawah manguniang pipik djo bondo ba bondong2 aia didanau bariak tanang mangulabu bukik barisan tadjorok rupo Udjuang Tandjuang nambaleh tam pak Udjuang Djunguik tampaklah ranah Tandjuang Balai djaleh rakuaknjo nan duo tu badinding bukik Ku duak Bantiang luruih djalannjo nan ka Kubu ba belok tantang Labuah Tagak tatinggi rupo Tanah Sirah Data ranalinjo Bawah Pondok.

Dilengong suok djo kida rumah gadang ba atok idjuak rimah mamutiah dipuntjaknjo lalu babilang kampuang nan dilihek kampuang Benteng djo Batu Adjuang Batu Pandjang djo Djalan Bantiang batehnjo labuah djo nagari.

Kamudiak kaki dilangkahkan disanan dataran Tan djuang Sani landai ranahnjo Kampuang Tengah dibaruah danau tabantang diateh gunuang balirik dihilia labuah tarantang dimudiak sawah badjandjang dibukik tinaman tumbuah itulah nagari Sungai Batang.

Lapeh nan dari panadjunan handak mandjalang kampuang Koto Tinggi rumah gadang ba atok idjuak halaman laweh dimukonjo djamua nan sadang dikakakan diateh anak djandjang nan kaduo duduaklah mandeh Sariaman pinggalan ado ditangannjo pahalau ajam nan ma hampiri djamua pandang nan hampia ditukia'kan pandang nan djauah dilajangkan tampaklah biduak duo tigo ijolah biduak urang dari balai balai Salasa maso itu ta ngaran sadjo njanji djo pantunnjo ditapi danau banjaklah puto biduak urang mangail ikan.

Sadangnjo duduak didjandjang ijolah mandeh Sariaman anaknjo nan banamo si Sabariah sadangnjo duduak ditangah rumah mahundjua karuang tengah mahadok ka tantang tingkok tangan bagaluik djo sudjian djari bamain djo pindjahik banang bagaluik djo putaran rendo lah sudah duo halai tarawangnjo lah salasai pulo kok pulang bana suaminjo dari rantau untuak pananti injo datang baitu bana nan dihati pikiran pun djauah maso itu takana ranahnjo Udjuang Gunuang suami bak raso tampak2 musim pabilo ka batamu aia mato giriang gu miriang tjinto batjampua djo taragak sampai bapantun2 maso itu '

Salamo pandan baduri,
dama tidak palito tidak,
lai koh pandjang djuo;

Salamo kito batjarai,
 kaba tidak barito tidak,
 lai koh tuan sanang sadjo.
 Silasiah baru baputjuak,
 gumalo ba-darai2,
 pandan dirimbo diruntuahnjo.
 Kasiah nan baru kito susuak,
 dibawo batjarai-tjarai,
 iman didado diruruahnjo.
 Satau tigo di Muaro Pawuah,
 satu surau urang Tjaniago.
 Susah malapeh dagang djawuah,
 batamu sasudah hari rajo.

Dalam mandeh duduak didjandjang dalam anak ba-
 rusuah hati dek hati takdir Allah nasib batamu djo
 suratau datanglah urang dari baruah datangnjo tagopoh2
 rabik paluahnjo dek balari kareh hangoknjo turun nain'
 lalu sakali kahalaman mahimbau malah hanjo lai :

Kakak kanduang si Sariaman balunkoh kakak man-
 danga kaba tidakkoh kakak malihek alah mudjua kito
 hanjo lai Pakan Raba'a alah karami alah banjak rang
 dagang pulang baiakpun djauah djo hampianjo alah ba-
 kumpua dinagari si Suman alah pulang pulo dari naga-
 ri Bangkahulu pulangnjo lai salamat tidak kurang sua-
 tu apo lai batamu nan dihati basuo tjinto djo takdir.

Kini baitulah nan elok adat limbago dinagari man-
 dapek samo balabo karjijiran samo marugi elok batan-
 dang kakak kakian karumah bundo si Suman zijarah itu
 namonjo tanjokan sakik dengan sanangnjo buliah taba-
 wo adat kampuang.

Mandanga kato nan bakkian basiap si Sariaman la-

lu bakato kasi Sabariah: Nak kanduang djo den dikau tolong ambiakkan kampia siriah den kapai kakian karanah kakampuang Balai karumah bundo si Suman injo datang dari djauah laikoh selamat padjalanan patutlah kito malihati laikoh injo pulang sanang awak bakarib dengan injo hanjo saketek pitaruah den djamua takaka dihalaman kok turun hudjan kabumi liheklah gunuang disubarang alah gabak ruponjo hari bangkiklah djamua nan takaka tinggalah dirumah anak dahulu.

Mandanga kato nan bak kian mandjawab si Sabariah: Kalau baitu djanjo mandeh patut bana mandeh kakian alah lamo kito basudaro dengan dunsanak nan disanan kito alah ba ripabisan kok kudian mandeh tibo katjiak hatinjo rang disanan tantang pitaruah mandeh tadi ijo- lah djamua dikalaman Insja Allah baiaklah itu pitaruah djangan bundo hunikan pakirim djangan bundo turuikan.

Tadanga dikato itu sananglah hati bundo kanduang lalu badjalan hanjo lai karanah kakampuang Balai badjalan ta-gageh² balari ta-kadja² dek lamo lamo lambek didjalan djawuah basarang dakek djuo sampailah injo disanan ijo diranah kampuang Balai alah tibo ditengah halaman taruih sakali masuak rumah malihek kiri djo kanan tampaklah urang banjak duduak disuduik sabalah baruali peti basusun djo bungkusuan.

Ditengah urang nan banjaktu duduak si Suman bataratik mananti halek datang malihek mandeh Sariaman alah tibo injo duduak ditengah rumah bakato sanan si Suman: Alahmoh datang mandeh kanduang malihek bundo ditengah rumah hilang pajah habih dahago kamari² burjo duduak alah lamo hambo badjalan tidak manda-

pek kaba sahiah laikoh bündo sanang sadjo laikoh si-
hat badan bundo baitu pulo anak bundo nan banamo
si Sabariah laikoh injo dalam baiak apokoh kaba suami-
njo dimano injo bamago buliah hambo bakirim surek
lai lah tando 'alamat putiah hati.

Mandanga kato nan bak kian mandjawab si Saria-
man: Anak kanduang padja si Suman barakat tolong
dari Allah lai lah bundo dalam selamat tidaklah kurang
suatu apo badan sihat hatipun sanang korong kampuang
salasai pulo koto rami padi mandjadi bundopun dalam
kalimpahan tapi samantangpun baitu bak kato pantun
urang tuo:

Ribawah djo Koto Tanggai
katigo djo Sawah Laweh
Duduak alah tagak tahandai
mandjo sahinggo libia kaateh

Tjubo pikiahkan dek hang Suman adat limbago da-
lam kampuang kok adat lai hambo isi limbago lai ham-
bo tuang baranak surang parampuan dari ketek hambo
gadangkan sampai umia anam baleh dituruik adat na-
gari alah hambo tjari ka minantu barakat tolong dari
Allah dapeklah padja si Pulai.

Sakato niniak djo mamak saijo baliak batimba ka-
radjo baiak dilakehkan djangan disalo dek nan buruak
alah lalu nikah djo kawin dek lamo bakalampuan sala-
mat sadjo pagaulan tidak kurang suatu apo alah tjukup
duo bulan panuah mamintak izin injo kadenai handak
badjalan hanjo lai karanah ka Udjuang Gnuang dalam
nagari Pariaman dek elok niat hatinjo den lapeli injo
badjalan.

Anak kanduang padja si Suman kitolah lamo basu-

daru kok malu samo satuntuik mandapek samo balabo katjiriran samo marugi nak den kabakan parasaian buliah hang mangirokan sadjak minantu pai badjalan alah limo bulan djo kini kaba tidak barito tidak djangkalan kain agak sahalai surek saputjuak tak dikirim pitih sawang tak dilantiang mada hati den mamikiakan den lihek kiri djo kanan dipandang muko balakang tidak urang nan samalang den urang malapeh anak atau mintuo malapeh pai badjalan badagang kakampuang urang kok tibo musim2njo bakirim djuo injo pulang dihambo sadjo nan tidak kalau den duduak ditengah rumah den pandang anak kanduang den nan banamo si Sabariah injo duduak basaba hati tidak mamikia nan bak kian batambah hatjua tulang sandi kini bak nangko parasaian tolonglah dek anak djo bitjaro kok luko buliah badamak kok sakik buliah barubek.

Mandanga kato nan bak kian mandjawab sanan si Suman bundo kanduang dangakan malah tantangan kato bundo tadi sadjak diawal sampai kaachir dari satu sampai saratuih alah hambo danga samuanjo kini baitu lali nan elok nak buliah sanang hati bundo dangakan nasihat hambo :

Tantangan minantu bundo balumlah bundo marasaj parasaian urang badagang buliah den tjurai den paparkan adopun kami urang badagang untuangnjo ibarat induak ajam mangakeh baru mantjotok badjalan kian kamari mantjarikan tutup kapalo mantjarikan paissi paruik alah hitam pungguang dek bapaneh alah hanguih mukodek bamasak alah panek kaki dek badjalan adang2 batamu djo nan elok muko basari hanjo lai.

Kalau batamu dengan rugi mangaluah manahan hati

indrak samang manunggu pulo satuan dunia ka kijamat
 adat limbago urang dagang batamu labo djo rugi adat
 djuaro kalah manang adat hidup sanang djo sakik bu-
 kanlah taruih bungo kambang bungo nan lajua ado pulo.

Sabagai pulo bundo kanduang adat malapeh dagang
 djawuah ditahan hangek djo dingin ditahan malang djo
 mudjua alah banjak tutua djo bitjaro alah sudah tjurai
 djo paparan kana mangana paruntungan alah patung ru-
 ponjo hari sadang dek mandeh Sariaman lalu badjalan
 hanjo lai manudju rumah badan diri ijo diranah Panadju-
 nan dalam daerah Koto Tinggi.

Bulek rakiknjo sigumanti
 tapauik ditapi paga
 tampak nan dari kampuang dalam
 Tumbuh panjakik dalam hati
 dek susah ubek djo panawa
 tambah lamo tambah mandalam
 Malako djo Koto perak
 pasisia sadjo muatannjo
 Tjilako bana ameh djo perak
 banjak manusia didajonjo

Sadang dihati Sariaman dek lamo bekalamoon dek
 harok ameh perak ta-bajung2 dipikiran kudian mandapek
 nan dihati dapek minantu urang nan kajo selamat hidup
 anak denai denai basanang hati pulo bukan umpamo
 badan kini garam habili samba tak lamak aranglah ha-
 bilu basi binaso tidak sampai mukasuik dihati duduak
 barisan tiok hari tageleng pituru lunak talapih dibadia
 patjah dapek minantu urang misikin tidak pandai man-
 tjari untuang bodoh badagang banyago ikolah lamo dang
 masonjo kaba tidak barito tidak anak den harok dek

mananti alah lusuah kain dipakainjo tidak mandapek kagantinjo.

Dalam bamanuang surang diri dapek hidajat dari sjetan maukolah tarang sakutiko lalu ta-sanjum2 manih bakameh lalu badjalan barangkek kalua rumah manudju kampuang nan dakek ijo dirumah dunsanaknjo mamak kanduang dek Sabariah djalan ka mamak dek si Suman lalu sakali masuk rumah batamulah sanan djo dunsanak datang batanjo malah sabanta ka adiak kanduang si Sariaman: Apokoh sabab datang kamari kok tidak ado nan basanguik tantulah tidak kau datang kalau sakik si Sabariah ataukoh ado surek buruak kito malapeh dagang djauah ataukoh sakik suaminjo atau mandapek surek mati.

Sabab baitu tanjo denai kau tibo dirumah den den pandang kau sakutiko tampaklah rupo kau barubah pikiran kau ruponjo kusuik hati kau ruponjo bimbang apokoh sabab nan baitu mintak didjawab tanjo denai.

Mandanga kato nan bak kian mandjawab si Sariaman: Sabab hambo datang kamari datang niatan nan didjalang bukan si Saba dalam sakik bukan mandapek surek mati ataupun minantu dalam sakik alah hampia maso satahun tidak hambo mandapek surek baiak siapa nan mangirim sabab baitu parasaan mangko hambo datang kamari mamikiakan untuangenjo anak hambo buah hati pangatang djantuang tumpahan hati kakak kanduang.

Salamo nangko basuami alah dilapeh pulo badjalan tidak batamu nan dihati makan hati barulam djantuang duduak bamanuang satijok hari dek litak tangan takatja dek rusuah hati tarabo sampailah hambo kamari kini akan mupakat djo kakak kanduang apolah sipat badan kito.

Alah lapeh rupo bulan djangji alah tibo bulan Mulud alah sampai pulo hari rajo sedang rami dagang dikampung Sutan dimano nan tak pulang dagang dimano nan tak tampak sahampia itu injo badjalan injo sadjo nan tidak pulang uliah karano damikian alah bulek raso pikiran den eloklah injo kito buang apokoh gunonjo kito taruah djalanlah tampak kadituruik aturan dalam nagari.

Kalau malapeh dagang kalau tak suko anak kito buliah datang kapado kadi baolah uang saringgik chalung namonjo dalam kitab tjaraipun djatuah hanjo lainan buruak buliah kito buangkan tjari nan elok kagantinja kok tidak djadi nan bak kian kok sampai pulo injo pulang kito tiliak tampan ruponjo dilihek rupo pambaonjo ditengok isi petinja djikalau kosong tak barisi disuruah anak mintak tjara disuruah mamintak kato putuih.

Adat limbago laki2 nan lai ado bapikiran pantang bana kamanahan itu pikiran nan tareh mupakat hambo djo kak tuo supajo samo dimaklumi supajo sanang hati hambo.

Mandanga kato nan bak kian mandjawab malah dunsanaknjo apo sabab kau baitu kato kalua didak dipikiri muluik djangan ta-dorong2 ingati lidah kabakato pikiri muluik katalandjua haniangkan hati mangko disabuik oado tjilako badan diri tjubolah pikia kato denai adat limbago baminantu suko manahan hangek dingin rilah manahan susah pajah takalo urang ka ditarimo pikiri bana habih2 djangan dipandang elok urang elok katiko badan mudo alah tuo huruak mandatang rantjak habih djangek bakaruik elok hilang bantjipun tibo.

Djangan dipandang kuek urang kuek katiko badan panuah alah labiah umua limo puluah injo tidak paguno lai djangan dipandang kajo urang kok kajo injo pado kito banjaklah urang baharato sawah badjandjang uwang banjak banyago balabo pulo sadangnjo tarang bintang manjo tidak mangana Tuhan Allah kito dipandang umpama sarok kapalo kito injo langkahi.

Sabagai laki urang kajo kalau injo nan kito tariak akan mandjadi bapak padja kajo lah tingga didirinjo tantangan anak kandung kito razakinjo djuo nan dimakan alah kanjang injo baranti.

Sabagai laki Sariaman kito malapeh dagang djauah adat diurang banyago manantang labo djo rugi adat djua-ro alah manang tantang diwakatu pulang kok tidak pulang injo kini nantikan pulang dibulan Hadji kok tidak dibulan itu nantikan pulang di Maulud saba djo reda kadipakai kok kau suko dinan lain nak dek tarangkan satu2njo.

Urang badagang pandai hiduik kalau mularat injo marantau kok pulang injo ka kampuang tibo dikampuang injo manjoran malagak hilia djo mudiak kalau hanjo baitu sadjo tandonjo adiak tapadajo walaupun bangsaik tidak bauwang liheklah budi karenahnjo liheklah tampan taratikonjo itulah tariak ka minantu.

Tantangan minantu kajo misikin tidaklah kabaitu baya kok snto si Sabarinih tidaklah buliah kito pisahkan saaban Allah tantangannjo mamutuiah silaturrahim tidak guno bakato pandjang pulanglah kau dahulu sanangkan sadjo pikiran kau suruikkan dajo dari sjetan djangan diuruikkan hawa nafsu.

Mandanga kato nan buk kian tamanuang si Sariaman

hatilah kareh dari batu matolah sirah2 padam dadonjo ba-rombak2 alah basah badju dek paluah tidak tinggalah djo pailah mahariak mahantam tanah lalu sakali tutun djandjang dibadjalan kapai pulang mambiruntun batutua surang injo nan salah manarimo kini baitu bunji katonjo kalau baitu apo buliah buek dalam bakato surang diri dek djauah basarangkan dakek alah tibo ditangah laman lalu sakali naiak rumah .

Agaklah si Sibariah sedang bamanuang tangah rumah alah naiak ruponjo bundo dililiek tampak kurenahnjo berubah dari nan biaso mukonjo sirah2 padam injo tidak ba-bunji2 Sabariah urang paarif lalu sakali injo batanjo apo sabab bundo bak nangko apokoh susah nan taraso bundo kanduang pulang badjalan.

Apokoh rusuah dalam hati kok bundo hauih djo lapa buliahlah nasi den hidangkan minumlah kopi agak saraguak buliahnjo tumbuh kiro2 sudah bakato damikian injopun pai taruih kadapua bakameh apo nan ado dihidangkan kapado bundo alah sudah minum dan makan bakato si Sariaman : Anak kanduang si Sabariah apo karano bundo dek susah:

Taleh kurandji nak rang Guguak
 ba-ranang2 ditapian
 Kamari2 anak duduak
 ado sabuah den katokan

Anak kanduang djo den dek kau buah hati limpo bakuruang ubek djariah palarai damam sidingin tanpa dikapalo pamenan mato bundo kanduang putuih djo apo ka diuleh harapan hati badan diri palawan duduak urang nan datang pambao singgah urang nan lalu pananti halek dari djauah sababnjo mangko bundo susah :

Di halang tidak ta tabangkan
 dek balam tidak talajokkan
 djauah bana rantau Palembang
 dibaliak pulau angso duo
 Siang nan tidak tasanangkan
 malam nan tidak talalokkang
 hati rusuah pikiran bimbam
 mamikiakan untuang anak djuo

Aia diminum raso sakam nasi dimakan raso duri untuang anak den pikiakan :

Putuihluh tali alang2
 taraok tantang Koto Tudjuah
 Untuang suratan kau nan malang
 aarato djari nan sapuluah
 Ramilah urang di Kalampuang
 marauik batuang alang2
 Sadjak dirahim bundo kanduang
 tasurek untuang nan malang

Tantangan untuang badan kau nan bundo pikia2
 djuo djadi pangana tiok hari ikolah bulan hari rajo dagang dimano nan tak pulang sutan dimano nan tak tampak alah pulang dagang Bangkahulu alah tjukup dagang dari Medan alah tampak dagang Palembang bunji bendi ba-darun2 kaki kudo badarab2 bunji motor baitu pulo dek banjak dagang nan pulang.

Sabanjak nantun urang tibo laki kau sadjo nan tak pulang rusuah pikiran hati bundo kaba tidak barito tidak surek saputjuak taknjo kirim piti sawang taknjo lantiang den lihek badan anak kanduang badanlah karuih dek batjinto alah lusuah kain sapatagak alah tibo bulan hari rajo tidak dapek panggantinjo dilihek

kiri djo kanan ditengok urang bahampiran nan samo gadang dengan kau nan samo hilia samo mudiak injo duduak basanang hati pintak buliah kahandak balaku bukan umpamo badan kau.

Kini baitulah nan elok pado kito barusuah hati talapel dibadia patjah nan buruak elok kito buang tjari nan lain kagantinja sabanjak nangko dagang pulang alah sudah bundo piliah2 alah baramu nan dihati nan sapa-dan djo badan kau eloklah padja si Suman urang dagang Bangkahulu.

Tinggi mahligai radjo Batak

Puti bamain dihalaman

Elok bahuquang samo awak

nan lain banjak halangan

Si Suman injo urang baiak lai bakarib dengan kito bukan sabuah nan manjangkuik alah hampia sadjak dahulu sabaiak itu kato bundo eloklah anak manarimo eloklah duduakkan dalam hati elok tjantumkan dipikiran djanganlah pulo anak bantah buliah salamat badan anak.

Mandanga kato bundo kanduaang agaklah si Subariah tasirok darah didado barombak ruponjo paluah awa mato iriang gumiriang bak maniak putuih pangirang lalu mandjawab hanjo lai bunji tutuanjo sali sadan adang2 ta- putuih2:

Bundo kanduang ampunilah hambo mangapo baitu kato bundo tidak den sangko kabaitu den sangko labuh paham bundo den sangko manaruah saba kitonyo la lain bana dangakan dek bundo tutua hambo pandjawab bunji kato bundo kalau balain pandjawabau reda djo ma'af hambo pintak.

Adopun badan diri hambo dari kerek bundo galaug

kan bundo ueah bundo gilai dek sajang bundo dianak alah gadang bundo tumpangkan bundo tjarikan hambo suami panumpangkan sakik djo sanang panumpangkan hidup djo mati katiko injo bundo tarimo tantu di-pikia2 kan bana.

Dangkanan bana bundo kanduang kito ba'adat balimbago kito basarak ba agamo didalam adat minangkabau talarang bana itu bundo dek sarak apolah lai azab Allah bahajonjo kok hiduik disalai Allah kok mati masuak narako mamutuihkan silaurrahim kito kasurau tijok hari kito baguru siang malam urang alim bakalialaran buku2pun banjak pulo barisi dengan pangadjaran.

Liheklah buku Sjamsulhidajah tengoklah buku Siti Sawijah panuah pangadja djo pitundjuak untuak urang balaki bini salamo dalam pagaulan batamu sakik djo sanang batamu labo djo rugi hiduik saijo samupakat hiduik ibarat dalam lauik manampuah pulau kasalamatan.

Nan surang tagak dikamudi nan surang tagak dihaluan ombak gadang angin basiru lajia bakipeh kiri kanan tali manali barantangan kok tidak samo2 pandai achirjo karam ditengah tidak tadjalang tanah tapi.

Kok takuik dilamun ombak tidak diharuang lauik gadang kok sagan disarang angin tidak dipasang laia kain kok takuik dilimbua pasang tidak barumah ditapi pantai.

Bundo kanduang ampuni djuo alah djadi adat dinagari baiak diateh 'alam dunia tando kuaso Tuhan kito.

Sabuah lai hambo katokan adat hidup ateh dunia adat djuaro alah manang adat sudaga labo rugi adat malapeh dagang djauah buruak djo baiak kabatamu baitu pulo suami hambo kok hanjo niat dihatinjo muka-

suik baiak tiok hari mamikiakan korong djo kampuang mangana ibu djo bapak mamikiakan pulo isterinjo ditjari untuang patang pagi bukan dirinjo dipikiakannjo dipikianjo urang dikampuang kito manolongnjo dengan do'a injo karadjo djo usaho takdir Allah panjudahi.

Aka tadjamua tumah tadi murah siamang ka bagantuang tadorong bunji tutua bundo sinanlah adat baman main manuruik bunji kato bundo kok tjara hambo djo nan kini alah tasadijo kapangganti si Suman Sutan Di-ateh heran tatjangang hambo kini mangapo baitu pihil bundo adokoh bundo pikia bana lai dipikiakan zahur bathin lai dikana awal djo achir ataukoh bundo nan tadorong tapadajodi rupo urang tidak dikana parasaan.

Pikiakan bana kato hambo baminantu urang nan bangsaik tidak mandapek ameh banjak tidak ado harato bando kain basah kariang dipinggang tetapi chusjuak kapado Allah itulah nan baiak bana kalau harato dipikiakan dimakan nasi kahabih dipakai tjita ka tutuah kalau babaso djo babudi.

Pulau pandan djauah ditangah

dibaliak pulau angso duo

Hantjua badan dikanduang tanah

guno baiak dikana djuo

Djawuhi bana bundo kanduang nan bak parangai urang kini manantang kutuak dari Allah.

Tarok didakek parak urang

kudjaraik tidak disambiakan

Harok di ameh perak urang

mudarat tidak dipikiakan

Buruak bunji patjah barito buruak rupo salah tjan donjo kok hiduik dikutuak Allah kabawah tidak bau.

rek ka ateh tidak ba putjuak di-rangah² digiriak kumbang di achirat masuk narako kalau mamakai nan bak kian nan bak patatah urang tua:

Ba sawah pandjang bakelok
 dibadjak djo bantiang putiah
 djaluang tatagak djuo
 Kok kasiah sadang lai elok
 kok hauih sadang lai buliah
 alah buruak tabuang sadjo

Batuka bana minantu bundo tabuang suami hambo baganti bana djo nan lain bungo kambang mananti lajua pakan rami manani langang kok kajo bana injo kini kok habih achir kalaknjo tidak bundo kapingin lai pandeka buliah mambalehkan di dunia ateh ma atehi alah tampak nan labiah elok bakisa pulo angin bundo.

Pikiakan sabuah lai tampan tjilako urang kajo kalau kito manarimonjo kabanjakan nan baitu tatapi bukan pukua rato rato kito dipandangnjo randah bangso mangharapkan limpah kurnianjo bunji katonjo lalu lalang niniak mamak disangkonjo sarok kito disangkonjo pakeh palapehkan hawa djo napasu dunia bak raso kadikadang alam bak raso kadilangkahi tidak ado hati kasihan ado pulo nan buruak bana kok samantang injo banjak uang samuanjo buliah untuaknjo tampak pulo nan labiah mudo kito tidak dipandangnjo lai.

Taluak Bajua labuhan kapa
 Balando mudiak djo sikotji
 Bungo lajua kabunlah tingga
 tidak kumbang barulang lai

Bundo kanduang dangakan djuo kalau disabuik tjairai djo talak bagojang bumi djo langik galap ka pintu

'aras miskipun hukumjo harus hukumjo harus tapi
tatjela oleh Allah dahulu banjak karib ba'id ado bari-
par djo babisan ado bahandai basumando tatapi tjarai
kalau djatuah putuihlah tali nan bahubuang patah djam-
batan baso basi karamlah kapa budi haluih.


Alah banjak bisik djo dasuih alah banjak gundjang
djo gudjirak adat bana dalam nagari malu tidak dapek
diagiah suku tidak dapek diandjak sarumah urang ba-
tjarai sakaum djadi musuhnjo bundo marasai tiok
hari kito nangko urang misikin ameh tidak bangsopun
kurang kaum kirabat kurang pulo nan kurang mari kito
tjari djangan nan ado dibuangkan.

Hambo pikia sabuah lai marusuah djuo dipikiran
kalau dihinok dimanuangkan manggigia tulang sumsum
hambo maramang bulu dikuduak hambo pikia suami ham-
bo kok tidak injo suruik lalu kurang 'alemu didadojo
sangsilah kito sarumahnjo alah banjak tampan hambo
lihek.

Kalau baitu parasaian banjak laki2 nan tak iman
dibari malu tu namonjo tidaknjo kana suruik lalu injo
maraso sakik hati mukasuik djahek dihatinjo injo batjin-
to handak mambaleh kok tidak dapek lahia djo batin
diamalkannjo tidak lalu dandang diaia digurun injo ta-
djakkan tidak dapek di Sungai Batang ditjari ka Anam
Koto namun nak lapeh dihatinjo itu pantangan laki2.

Balaku pintaknjo kasjeran kito sarumah nan manang-
guang kalau dipikia handak mambaleh karam sarantau
malah kito urang durhako pado Allah kito mambaleh
djuo durhako sa-pajah2 balinduang sa-puch2 babilang
salahnjo pado kito djuo.

Bundo kanduang ampuni hambo alah banjak bana



tutua hambo pandjanglah ba-lingka2 djauhlah tibo diateh kato putuih hambo barikan adapun kahandak hati bundo tidak dapek hambo palakukan ma'afkan hambo kok baitu.

Sasudah bakato demikian tidak dapek dihubuang lai kato dilarai aia mato tutua dibateh sadu sadan kok banjak bana nan taraso tidak dapek ditambah lai.

Sadanglah dek si Sariaman mandanga tutua anak kanduangojho malihek anak manangih taraso pulo dalam hati ijo pulo kato anak den bijalah saba den dahulu sadiah pulo raso hati den malihek injo manangih tapi samantangpun baitu kok balun dapek bulan kini den nanti bulan dimuko tidak den guluik den galosang sudah dipikia damikian lalu bakato hanjo lai injo mandjawab kato anaknjo :

Kalau baitu kato kau mukasuik dihati den nak njo santoso untuang kau kau sandiri nan manulak tidak dapek den mambantah kok baitu apo buliah buek sanngkan malah hati kau tunggulah maso injo pulang nantikan malah katikonjo djangan handaknjo harok sadjo bak mananti bintang djatuah alah pueh mato maningadah hatilah harok2 tjameh sabuah tidak nan turun kok saba kau baitu kau sandiri nan maraso pulang maklum bakeh kau.

Ampuni kami kalau salah ma'afkan kami kalau lupu kok tidak elok susun kato2 kalau takurang tolong tambahi namun mukasuik dalam hati sadikik tidak berubah gunonjo kaba kami karang ,paukua bajang2 diri nasihat pado korong kampuang ingatan bagi nan banjak diputa kaba dahulu sungguah dialiah sanan djuo kiranh ka Udjuang Gunuang dalam djadjahan Pariaman disanan dagang nan banjak buliah dilihek dipandangi apo kara-

djo tiok hari duduak mantjari panghidupan mantjarikan tutuik kapalo mantjarikan paisi paruik mantjarikan pannaok pungguang.

Satangah djualan mudo tjukuiklah lado djo bawangnjo satangah djualan kain tjukuiklah ganiah marekannjo satangah djualan katjang dirandang didalam kantjah disimpan didalam karuang didjodjokan kian kamari satangah djualan sitara tjukuiklah belek pangaiknjo samuanjo tjukuik balako untuak pangana urang dikampung.

Dalam dagang nan banjak itu ado surang mudo banamo padja si Pulai asanjo dari Sungai Batang itu suami Sabariah itu minantu Sariaman alah banjak namonjo kito sabuik kinilah baru injo batamu didalam rantau panggalasan mantjarikan untuang patang pagi nak buliah dibao pulang baitu bana nan dihati.

Ado kapado suatu hari batapatan djo hari pakan alah tjukuik barang takadai si Pulai badjualan pulo injo djualan galeh mudo dek baiak budi badagang muluik manih kutjindan murah pandai manariak hati urang urang kampung banjak nan kasiah lailah banjak djua bali samo tadjuwa djo nan banjak dari pagi sampai patang lalu basimpan hanjo lai.

Alah sudah barang disimpan nanlah biasa tiok hari pulang karumah induak samang disanan barang ditaruahkan tidua djo makan sanan pulo.

Alah patang tjandonjo hari patang badjawek dengan sandjo alah sudah dipasang dama kalibuik bunji anak dagang injo dirumah induak samang kapalo nan samo hitam pandapek ba-lain2 nan surang mahambuih saluang njanji banamo Padang Sariak nan surang balagu rantau nan lain njanji palajaran tjaro dikampung di Painan tjaro nan

tutua hambo pandjanglah ba-lingka2 djauhlah tibo diateh kato putuih hambo barikan adapun kahandak hati bundo tidak dapek hambo palakukan ma'afkan hambo kok baitu.

Sasudah bakato demikian tidak dapek dihubuang lai kato dilarai aia mato tutua dibateh sadu sadan kok banjak bana nan taraso tidak dapek ditambah lai.

Sadanglah dek si Sariaman mandanga tutua anak kanduango malihek anak manangih taraso pulo dalam hati ijo pulo kato anak den bijalah saba den dahulu sadiah pulo raso hati den malihek injo manangih tapi samantangpun baitu kok balun dapek bulan kini den nanti bulan dimuko tidak den guluk den galosang sudah dipikia damikian lalu bakato hanjo lai injo mandjawab kato anaknjo :

Kalau baitu kato kau mukasuik dihati den nak njo santoso untuang kau kau sandiri nan manulak tidak dapek den mambantah kok baitu apo buliah buek sanangkan malah hati kau tunggulah maso injo pulang nantikan malah kationjo djangan handaknjo harok sadjo bak mananti bintang djatuah alah pueh mato maningadah hatilah harok2 tjameh sabuah tidak nan turun kok saba kau baitu kau sandiri nan maraso pulang maklum . bakah kau.

Ampuni kami kalau salah ma'afkan kami kalau lupu kok tidak elok susun kato2 kalau takurang tolong tambahi namun mukasuik dalam hati sadikik tidak berubah gunonjo kaba kami karang paukua bajang2 diri nasihat pado korong kampuang ingatan bagi nan banjak diputa kaba dahulu sungguah dialiah sanan djuo karanah ka Udjuang Gunuang dalam djadjahan Pariaman disanan dagang nan banjak buliah dilihek dipandangi apo kara-

djo tiok hari duduak mantjari panghidupan mantjarikan tutuik kapalo mantjarikan paisi paruik mantjarikan pannaok pungguang.

Satangah djualan mudo tjukuiklah lado djo bawangnjo satangah djualan kain tjukuiklah ganiah marekannjo satangah djualan katjang dirandang didalam kantjah disimpan didalam karuang didjodjokan kian kamari satangah djualan sitara tjukuiklah belek pangaiknjo samuanjo tjukuik balako untuak pangana urang dikampuang.

Dalam dagang nan banjak itu ado surang mudo banamo padja si Pulai asanjo dari Sungai Batang itu suami Sabariah itu minantu Sariaman alah banjak namonjo kito sabuik kinilah baru injo batamu didalam rantau panggelasan mantjarikan untuang patang pagi nak buliah dibao pulang baitu bana nan dihati.

Ado kapado suatu hari batapatan djo hari pakan alah tjukuik barang takadai si Pulai badjualan pulo injo djualan galeh mudo dek baiak budi badagang muluik manih kutjindan murah pandai manariak hati urang urang kampuang banjak nan kasiah lailah banjak djua bali samo tadjuwa djo nan banjak dari pagi sampai patang lalu basimpan hanjo lai.

Alah sudah barang disimpan nanlah biasa tiok hari pulang karumah induak samang disanan barang diratuahkan tidua djo makan sanan pulo.

Alah patang tjandonjo hari patang badjawek dengan sandjo alah sudah dipasang dama kalibuik bunji anak dagang injo dirumah induak samang kapalo nan samo hitam pandapek ba-lain2 nan surang mahambuih saluang njanji banamo Padang Sariak nan surang balagu rantau nan lain njanji palajaran tjaro dikampung di Painan tjaro nan

urang Hampiang Perak barapo sorak dengan sorai induk samang urang paramah tahu baranak urang banjak pangasih didagang lalu panjajang diurang manumpang.

Miskipun baitu rupo gurau sananglah raso dihatinjo tantangan anak rang si Pulai alah malam ruponjo hari dituruik gurau djo kutjekak dituruik garah djo kutjindan tapi samantang pun baitu adat limbago urang manggaleh harus mangana palegarannjo

Hari Sabtu di Pauah Kamba hari Sinajan di Sirtjintjin hari Djum'at ka Padang Pandjang handak mambali galeh baru karano mangana nan bak kian lakehlah tidua dagang nantun akan bakameh injo pagi2 si Pulai lakeh injo tidua duo kalok mato tapitjang datanglah mimpi maso itu.

Tampaklah ranah Sungai Batang hari Arba'a maso itu hari nan sedang tengah hari paneh garang ribuiik mandantiang babondong urang ka mambali baransua langang urang dikampuang basando gurau urang nan mudjo galak tasanjum rando gadil.

Adapun pakan Sungai Batang disanan tampek djua-bali dari mano urang nan datang sadjak di Arang2 Muko2 sampai Sikiran dan Sarodjo sampai karanahinjo Batu Tigo rang Pandan anak rang Kalapuang Muko Djalan djo Batu Tinggi.

Samuanjo datang balako nan djauah datang djo bi-duak nan hampia badjalan kaki udjuik ka pakan samuanjo taraso pulo dalam mimpi hari nan sedang hari rajo alah rami dagang pulang si Pulai pulang maso itu pai ka pohan hanjo lai.

Pakan Arba'a Sungai Batang tampek mahadu hino mulia tampek maudji ameh perak tampek baradu nan

pandeka kalau tidak baradu zahir baradu bathin djadi djuo kok alang kapalang awas kalau tidak ado panaruhan tjilako badan maso itu dek hatta tatakdir Allah alah tampak bana dirasian dek rami urang maso itu namonjo bulan hari rajo agaklah dek padja si Pulai lalu mama-kai hanjo lai.

Alah lakek sarawa djosi lakeklah badju guntiang Tjino tarika mamak Saidi Chatib dipakai pulo bugih haluih ditanun puti di Makasar dibao sudaga dari Donggala katiko injo ka Padang dibali ampek puluah ampek dipakai pulo deta Djogja nan teleng mambalah banak dipatiak sudah ditadjin mamatiak disarajokan dipatiakkan mamak Marah 'Alam lalu kapakan hanjo lai.

Ditengah pakan rami nantun badjalan hilia djo mudiak satiok liku didjalani satiok lorong dimasuki takdir Allah mandatangi mudjua tidak dapek diraiiah malang tidak dapek ditulak dipondok tampek djua timbakau datanglah urang dari balakang mahisok timbakau daun putiah si Pulai sedang talengah puntuang rokok dilompek kannjo kapado kain bugih nantun nan sedang dipakai si Pulai tabaka tantang kapalonjo.

Alah salangkah padjalanan tabaun raso kain hanguih lalu malengong kabalakang dilihek kapalo kain alah tabaka ado satu nyak nanlah kojak alah hanguih dimakan api sedang tatjangan damikian deta hanguih sedang dipakai sedang dilakelkan dikapalo dihundjungan urang dari balakang takadjuik si Pulai maso itu dalam takadjuik damikian murai bakitjau ateh kaju ajam bukukuak dalam kandang babunji tabuah disurau tadanga abang di musadjik tagamang tasintak tidua tahampoh tangan kalantai lalu mangutjap hanjo lai udjuik pikitan pado

urang Hampiang Perak barapo sorak dengan sorai induk samang urang paramah tahu baranak urang banjak pangasiah didagang lalu panjajang diurang manumpang.

Miskipun baitu rupo gurau sananglah raso dihatinjo tantangan anak rang si Pulai alah malam ruponjo hari dituruik gurau djo kutjekak dituruik garah djo kutjindan tapi samantang pun baitu adat limbago urang manggaleh harus mangana palegarannjo

Hari Sabtu di Pauah Kamba hari Sinajan di Si-tjintjin hari Djum'at ka Padang Pandjang handak mam-bali galeh baru karano mangana nan bak kian lakehlah tidua dagang nantun akan bakameh injo pagi2 si Pulai lakeh injo tidua duo kalok mato tapitjiang datanglah mimpi maso itu.

Tampaklah ranah Sungai Batang hari Arba'a maso itu hari nan sedang tengah hari paneh garang ribuiik mandantiang babondong urang ka mambali baransua langang urang dikampuang basando gurau urang nan mu-do galak tasanjum rando gadil.

Adapun pakan Sungai Batang disanan tampek djua-bali dari mano urang nan datang sadjak di Arang2 Mu-ko2 sampai Sikiran dan Sarodjo sampai karanahinjo Ba-tu Tigo rang Pandan anak rang Kalapuang Muko Dja-lan djo Batu Tinggi.

Samuanjo datang balako nan djauah datang djo bi-duak nan hampia badjalan kaki udjuik ka pakan samua-njo taraso pulo dalam mimpi hari nan sedang hari ra-jo alah rami dagang pulang si Pulai pulang maso itu pai ka pokan hanjo lai.

Pakan Arba'a Sungai Batang tampek mahadu hino mulia tampek maudji ameh perak tampek baradu nan

pandeka kalau tidak baradu zahir baradu bathin djadi djuo kok alang kapalang awas kalau tidak ado panaruhan tjilako badan maso itu dek hatta tatakdir Allah alah tampak bana dirasian dek rami urang maso itu namonjo bulan hari rajo agaklah dek padja si Pulai lalu mama-kai hanjo lai.

Alah lakek sarawa djosi lakeklah badju guntiang Tji-no tarika mamak Saidi Chatib dipakai pulo bugih haluih ditanun puti di Makasar dibao sudaga dari Donggala katiko injo ka Padang dibali ampek puluah ampek dipakai pulo deta Djogja nan teleng mambalah banak dipatiak sudah ditadjin mamatiak disarajokan dipatiakkan mamak Marah 'Alam lalu kapakan hanjo lai.

Ditangah pakan rami nantun badjalan hilia djo mudiak satiok liku didjalani satiok lorong dimasuki takdir Allah mandatangi mudjua tidak dapek diraiah malang tidak dapek ditulak dipondok tampek djua timbakau datanglah urang dari balakang mahisok timbakau daun putiah si Pulai sedang talengah puntuang rokok dilompek kannjo kapado kain bugih nantun nan sedang dipakai si Pulai tabaka tantang kapalonjo.

Alah salangkah padjalanan tabaun raso kain hanguih lalu malengong kabalakang dilihek kapalo kain alah tabaka ado satuapak nanlah kojak alah hanguih dimakan api sedang tatjantang damikian deta hanguih sedang dipakai sedang dilakakkan dikapalo dihundjukkan urang dari balakang takadjuik si Pulai maso itu dalam takadjuik damikian murai bakiatjau ateh kaju ajam bukukuak dalam kandang babunji tabuah disurau tadanga abang di musadjik tagamang rasintak tidua tabanpek tangan kalantai lalu mangutjap hanjo lai udjuik pikiran pedo

Allah alah lalu sambahjang Subuah hati nan tidak sanang lai apokoh takwil mimpi nantun muko nan ramang2 kumih apo bahajo nan kadatang apo musibah nan katibo.

Dalam basusah damikian alah datang tjando kawan2 nan samo sapanggalesan lalu bakato hanjo lai: Karano kami padja si Pulai mangapo mangko lengah djuo alah tinggi tjandonjo hari eloklah kini kito barangkek pakan djauah nan dituruik maleh usah dilabiahkan tantulah Tuhan akan maingek hutang kito bausaho Allah d:uo mambari razaki.

Mandanga kato nan bak kian mandjawab padja si Pulai: Kalau baitu kato kawan ijo pulo itu kironjo mари bakameh kito kito kini lalu bakameh hanjo lai.

Alah sudah barang dikamasi nan patut dibungkuih alah dibungkuih patut di djudjuang alah di djudjuang badjalan dagang maso itu kapakan nan sabuah lai mantjari razaki nan halal mananti garak dari Allah.

Ado sarantang padjalanan ditengah labuah nan pandjang heran tatjangang kawan malihek pi'il si Pulai barubah dari biaso kalau maso nan sudah2 barapo garah djo kutjindan barapo kutjekak dengan gurau barapo pantun dengan njanji tatapi sakali nangko djangkalan nan sado itu bakato injo lai tidak katonjo sado nan paguno alah sarantang padjalanan djauah basarang dakek djuo alah sampai ditengah pakan lalu sakali masuk pondok galeh dikadaikan hanjo lai si Pulai baitu pulo.

Didalam banjak badjua bali si Pulai sarupo rusuah djuo sarupo tidak paduli malihek tampan damikian datanglah kawan nan bakarib tumpahan hati dek si Pulai banamo padja si Tamin samo sakampuang dengan injo

lalu bakato hanjo lai : Kakak kanduang djo den dek kakak mangapo rusuah hati kakak mangapo barubah pabuatan balain bana djo nan sudah apo bahajo nanlah datang musibah nan lah tibo tolong kabakan pado hambo kok banjak kito bagi duo baitu djuo salamonjo.

Kok ado hitungan nan basakik buliahlah hambo manolongnjo kok salah urang pado kito kok gadang kato urang kampuang kok mantang kito urang dagang mulu nak buliah dituntuikkan adat limbago dinagari salangkah bapantang suruik satapak pantang kambali kok alang kapalang tahan tidaklah tingga korong kampuang kok hanjo pi'il parampuan kalau kambali kito pulang dadak mananti ditampuruang mintak mandjadi ajam gadang barani didakek lasuang pangadja ajam batino palalah ajam djantan lain bakukuak diateh paga kok tibo alang di udaro disemba dibaonjo tabang tidak dapek malawanlah.

Sabagai pulo kakak kanduang kalau takana dalam hati atau takanai dek urang siko umpamo parampuan kampuang buliah pulo hambo manolong tundjuakkan djandjang tanggonjo dimano kampuang hulamanjo djikalau lunak kito sudu djikalau kareh kito takak bialah injo basuami ataupun niniak dengan mamak tibo diameh tahan udji tibo dibungka tahan asah silang nan tidak kito tjari salisiah tidak dihindakan.

Tundjuakkan malah pado hanibo nak rantu sabab karanonjo djikalau adat basudaro atau batolan basahabat sakik dan sanang samo ditanguang panch dan huljan samo ditahan.

Mandanga kato nan bak kian mandjawab padja si Pulai: Adjak kanduang padja si Tamin sudaro dunia achi-rat nan malomek samo patah nan samo hilang samo

Allah alah lalu sambahjang Subuah hati nan tidak sanang lai apokoh takwil mimpi nantun muko nan ramang2 kumih apo bahajo nan kdatang apo musibah nan katibo.

Dalam basusah damikian alah datang tjando kawan2 nan samo sapanggalesan lalu bakato hanjo lai: Karano kami padja si Pulai mangapo mangko lengah djuo alah tinggi tjandonjo hari eloklah kini kito barangkek pakan djauah nan dituruik maleh usah dilabiahkan tantulah Tuhan akan maingek hutang kito bausaho Allah d:uo mambari razaki.

Mandanga kato nan bak kian mandjawab padja si Pulai: Kalau baitu kato kawan ijo pulo itu kironjo mari bakameh kito kito kini lalu bakameh hanjo lai.

Alah sudah barang dikamasi nan patut dibungkuih alah dibungkuih patut di djudjuang alah di djudjuang badjalan dagang maso itu kapakan nan sabuah lai mantjari razaki nan halal mananti garak dari Allah.

Ado sarantang padjalanan ditengah labuah nan pandjang heran tatjangang kawan malihek pi'il si Pulai barubah dari biasa kalau maso nan sudah2 barapo garah djo kutjindan barapo kutjekak dengan gurau barapo pantun dengan njanji tatapi sakali nangko djangkalan nan sado itu bakato injo lai tidak katonjo sado nan paguno alah sarantang padjalanan djauah basarang dakek djuo alah sampai ditengah pakan lalu sakali masuak pondok galeh dikadaikan hanjo lai si Pulai baitu pulo.

Didalam banjak badjua bali si Pulai sarupo rusuah djuo sarupo tidak paduli malihek tampan damikian datanglah kawan nan bakarib tumpahan hati dek si Pulai banamo padja si Tamin samo sakampuang dengan injo

lalu bakato hanjo lai : Kakak kanduang djo den dek kakak mangapo rusuah hati kakak mangapo barubah pabuatan balain bana djo nan sudah apo bahajo nanlah datang musibah nan lah tibo tolong kabakan pado hambobo kok banjak kito bagi duo baitu djuo salamonjo.

Kok ado hitungan nan basakik buliahlah hambobo manolongnjo kok salah urang pado kito kok gadang kato urang kampuang kok mantang kito urang dagang milu nak buliah dituntuikkan adat limbago dinagari salangkah bapantang suruik satapak pantang kambali kok alang kapalang tahan tidaklah tingga korong kampuang kok hanjo pi'il parampuan kalau kambali kito pulang dadak mananti ditampuruang mintak mandjadi ajam gadang barani didakek lasuang pangadja ajam barino palalah ajam djantan lain bakukuak diateh paga kok tibo alang di udaro disemba dibaonjo tabang tidak dapek malawan lai.

Sabagai pulo kakak kanduang kalau takana dalam hati atau takanai dek urang siko umpamo parampuan kampuang buliah pulo hambobo manolong tundjuakkan djandjang tanggonjo dimano kampuang hulamanjo djikalau lunak kito sudu djikalau kareh kito takak bialah injo basuami ataupun niniak dengan mamak tibo diameh tahan udji tibo dibungka tahan asah silang nan tidak kito tjari salisiah tidak dihindakan.

Tundjuakkan malah pado hambobo nak rantu sabab karanonjo djikalau adat basudaro atau batolan basahabat sakik dan sanang samo ditanguang panceh dan huljan samo ditahan.

Mandanga kato nan bak kian mandjawab padja si Pulai: Adjak kanduang padja si Tamin sudaro duno achi-rat nan malompek samo patah nan samo hilang rono

timbua nan manjuruak samo bungkuak mandanga kato adiak nantun gadang rasonjo dalam hati alah taraso dipikiran tidaklah surang dagang disiko tidak tabuang denai kamari lai bakawan basahabat lai batolan basudaro.

Tapi samantang pun baitu ka dijawab kato adiak tadi tidaklah hambo ado bakasam tidaklah denai bakalahi tidak babantah djo rang kampuang tidak tadajo dek rang siko tidak mangana parampuan tidaklah denai balangkah salah adat limbago dirantau urang manjauak di hilia2 bakato di bawah2 rantiang samo dipatah sumua urang samo dikali adat samo dituruik.

Diadu baso djo basi diadu parangai dengan budi ditjari handai dengan tolan ditjari kawan djo sahabat sampai bak pantun urang tuo nan patuik samo di'amalkan:

Kok djadi anak ka pakan

iju bali balanak balanak bali

ikan padjang hali dahulu

Kok djadi anak badjalan

ibu tjari dunsanak tjari

induak samang tjari dahulu

Tidak nan merah dari sago

tidak nan kuriak hanjo kundi

Tidak nan elok hanjo baso

tidak nan baiak hanjo budi

Adat mandjadi urang dagang duduak dagang tagak pun dagang pandai manariak hati urang pandai mandjago kahidupan adapun tantangan badan hambo bukanlah rusua2h apo2 bukan mandanga kaba buruak hanjo bamimpi malam tadi taraso tingga Udjuang Gunuang saraso tampak Sungai batang.

Balai Arba'a sadang rami masuak hambo katangah

pakam untuang kaburuak masoitu bugih den baru den bali dibao sudaro dari Donggala den bali di Banda Padang sawuakkan haluih itu namonjo dek dangki manusia diambiaknjo puntuang paisok dibakanjo tantang kapalonjo tabao satumpak ketek.

Deta hambo baru baganduah alah sudah pulo hambo tadjin hambo pakai ateh kapalo hambo sangko padang dunia dirampek kawan dari balakang mimpi sampai hambo tadjago ajam bakukuak hari siang murai baktijau tabiklah fadjar antah apo ta'awil mimpi balunlah dapek hambo kaba.

Mandang kato nan bakkian mandjawab si bujuang Tamin kalau baitu kato kakak tidak patuik rusuah diparusuah tidak dipikia itu namonjo danga pitaruah nenek mojang: Katjimpuang pamenan mandi rasian pamenan lalok.

Sabuah lai patuturan kalau takuik dilambua pasang djangan barumah dirapi pantai.

Habih hari baganti hari habih bulan baganti bulan alah lapeh tigo bulan panuah si Pulai sedang bakadai sedang barabuik djua bali tibolali kawan dari kampuang dari nagari Sungai Batang sabulan lamo injo dirumah malihek kaum pamili lalu mandjalang ka si Pulai.

Malihek kawan baru datang lalu bakato malah si Pulai: Baru katibo mamak tadi apo kaba urang dikampuang adokoh selamat kampuang kito apokoh kaba dinagari lai santoso rumah tanggo selamat anak kamanaan.

Mandanga kato nan bakkian mandjawab urang nan datang rantangan tanjo Sutan nautun samuanjo tjukuk balako barakat datang dari Allah nagari didalam aman

timbua nan manjuruak samo bungkuak mandanga kato adiak nantun gadang rasonjo dalam hati alah taraso dipikiran tidaklah surang dagang disiko tidak tabuang denai kamari lai bakawan basahabat lai batolan basudaro.

Tapi samantang pun baitu ka didjawab kato adiak tadi tidaklah hambo ado bakasam tidaklah denai bakalahi tidak babantah djo rang kampuang tidak tadajo dek rang siko tidak mangana parampuan tidaklah denai balangkah salah adat limbago dirantau urang manjauak di hilia2 bakato di bawah2 rantiang samo dipatah sumua urang samo dikali adat samo dituruik.

Diadu baso djo basi diadu parangai dengan budi ditjari handai dengan tolan ditjari kawan djo sahabat sampai bak pantun urang tuo nan patuik samo di'amalkan:

Kok djadi anak ka pakan
 iju bali balanak balanak bali
 ikan padjang bali dahulu
 Kok djadi anak badjalan
 ibu tjari dunsanak tjari
 induak samang tjari dahulu

Tidak nan merah dari sago
 tidak nan kuriak hanjo kundi
 Tidak nan elok hanjo baso
 tidak nan baiak hanjo budi

Adat mandjadi urang dagang duduak dagang tagak pun dagang pandai manariak hati urang pandai mandjago kahidupan adapun tantangan badan hambo bukanlah rusua2h apø2 bukan mandanga kaba buruak hanjo bamiimpi malam tadi taraso tingga Udjuang Gunuang saraso tampak Sungai batang.

Balai Arba'a sadang rami masuak hambo katangah

pakan untuang kaburuak masoitu bugih den baru den bali dibao sudaro dari Donggala den bali di Banda Padang sawuakkan haluih itu namonjo dek dangki manusia diambiaknjo puntuang paisok dibakanjo tantang kapalonjo tabao satumpak ketek.

Deta hambo baru baganduah alah sudah pulo hambo tadjin hambo pakai ateh kapalo hambo sangko padang dunia dirampeh kawan dari balakang mimpi sampai hambo tadjago ajam bakukuak hari siang murai baktijau tabiklah fadjar antah apo ta'awil mimpi balunlah dapek hambo kaba.

Mandang kato nan bakkian mandjawab si bujuang Tamin kalau baitu kato kakak tidak patuik rusuah diparusuah tidak dipikia itu namonjo danga pitaruah nenek mojang: Katjimpuang pamenan mandi rasian pamenan lalok.

Sabuah lai patuturan kalau takuik dilambua pasang djangan barumah ditapi pantai.

Habih hari baganti hari habih bulan baganti bulan alah lapeh tigo bulan panuah si Pulai sedang bakadai sedang barabuik djua bali tibolah kawan dari kampuang dari nagari Sungai Batang sabulan lamo injo dirumah malihek kaum pamili lalu mandjalang ka si Pulai.

Malihek kawan baru datang lalu bakato malah si Pulai: Baru katibo mamak tadi apo kaba urang dikampuang adokoh selamat kampuang kiro apokoh kaba dinagari lai santoso rumah tanggo selamat anak kamanaan.

Mandanga kato nan bakkian mandjawab urang nan datang tantangan tanjo Sutan nautun samuanjo tjukuk balako barakat datang dari Allah nagari didalam aman

sadjo urang dagang pun banjak nan pulang kata sala-
mat dari nagari si Sabariah lai bakirim tabuhua dida-
lam saputangan ijolah kasiah dengan sajang tjinto ba-
tjampua djo taragak tantangan bundo kanduang Sutan
lai pulo bakirim surek sarato dengan bada masiak tari-
mo suko itu dek Sutan.

Sudah bakato damikian dibukak bungkusian kerek
dikaluakan malah isinjo ikan masiak sarato surek dita-
rimo suko dek si Pulai alah patang ruponjo hari mato
hari ruponjo turun alah usai ruponjo balai alah pulang
urang nan banjak manudju kampuang masiang² si Pulai
bakameh pulo lalulah pulang hanjo lai datang karumah
induak samang alah sudah mandi dengan sambahjang alah
sudah minum djo makan lalu dibukak surek nantun la-
lu dibatjo hanjo lai danga isinjo njato².

Mandapekkan buah hati bundo ubek djariah pala-
rai damam buah hati limpo bakuruang limpapeli rumah
nan gadang tampek bagantuang dalam kaum tampek
manjimpan ameh perak kadjadi mamak padja² tampek
manjarah dalam suku dangakan bana kato bundo:

Sadapek surek bundo nangko sampai ditangan anak
kanduang sugiro anak pulang lakeh gadang bahajo nan
tadjadi adapun tantang si Sabariah buah hati dek anak
kanduang handak mamintak gantiang putuih handak
mamintak biang tabuak karano dipaso dek bundonjo
dek harok rupo elok urang harok dek ameh perak alah
tampak nan labih elok tampek manjarahkan untuang na-
sib.

Alah tampak dagang baru pulang alah tingga sadjo
anak kanduang limaulah kalah dek bindalu nagari ka-
lah dek urang dagang si Suman pulang dari djauah da-

ri ranah Bangkahulu dek tjukuik ameh djo peraknjo dek langkok kain badjunjo bapusa rupo haluannjo dahulu angin Barat Daja sakarang angin Timur Lauik itulah sabab surek dikirim manjuruah anak pulang dahulu nak buliah sanang hati bundo anak maklum tantang itu.

Tidak surang parampuan tidak satu urang basangua koknjo lapeh Sabariah nak lakeh kito mangganti tapi saketek kato mandeh injo usah anak salahkan karano kahandak dari bundonjo ijolah si Sariaman injolah nan urag djahanam manuruik kaba bundo danga sadang bapaknjo dek si Sumam mamak kandung si Sabariah takuik babuek damikian.

Baitu pulang padja si Suman supajo anak buliah tahu bundo ulang sakali lai lakeh handaknjo anak pulang nak buliah sanang hati bundo tidak marusuah paratian salam taragak dari bundo.

Sasudah surek dibatjo manangih padja si Pulai taragak dikorong kampuang tatjinto pulodibundonjo tapikia untuang nasib diri tasada pulo pado bini ditengok pulo bangsaik badan kain ditangkok mangko duduak alah muak dirantau urang basakik hiduik manumpang dalam bahibo hati nantun lalu dilihek malah surek dibungkuih bagai 'azimat lalu bapantun hanjo lai:

Rumpuik saruik pandjangleh baa
 alah pueh pandan maranggangkan
 Sakik hiduik sanangleh baa
 alah pueh badan manangguangkan
 Mamakiak kareta dari Padang
 mandjawab kareta Solok
 Mamakiak dagang nak pulang
 badjulah sarek dek panumbok

Ruso dikabun Sutan Amat
 djadjak manukiak batu sandi
 Aia mato salamo bangsat
 alah panuah sumua tampek mandi
 Tidak padi saluluah nangko
 Tandjuang Raja djalan kapulang
 pandan den sadjo nan tak rampak
 Tidak hati sarusuah nangko
 hari rajo dagang pulang
 badan den sadjo nan tak tampak

Dalam bapantun damikian ado pikiran nan mandatang baiak ado buruakpun ado pado mumuak hiduik dirantau buliah balaku kahandak bundo eloklah pulang denai dahulu bia dihetong panggaesan balabo sjukur pado Allah pulang pokok tarimo kasih rugi tarimo dengan saba nan pulang wadajib hambo ikuti nak sanang raso paratian.

Duo hari ganok katigo sudah mupakat djo si Tamin mamintak ma'af pado kawan sarato tolan djo sahabat lalulah pulang hanjo lai.

Sabanjak itu urang dagang si Tamin sadjo nan maklum injo dibari kato bathin apo mukasuik dalam hati hari Isnajan pagi2 tinggallah ranah Udjuang Gunuang ansua babaliak kanagari mandjalang kaharibaan ibu bapak manengok kampuang djo halamen.

Salamo lambek didjalan lapehlah ranah Udjuang Gunuang turun sabanta di Lubuak Aluang pai kakadai urang kumango djualan tjukuik injo disanan manengok kiri djo kanan malenggang hilia djo mudiak ado sabanta padjalanan lalu ditiliak kakadai urang dilihek pisau nan ketek pisau radjiah bahulu duo lalu dibali pisau nantun

dibali ampek puluah sen dalam malihek pisau nantun ti-bolah kawan dari djauah si Rauf Sidi Palembang lalu batanjo ka si Pulai.

Apo gunonjo dekan hang pisau mangapo nan ketek nan dibali elok malah pisau balati buliah pa-masak² pinggang kok tumbuah hudjan tengah djalan buliah pa-mantjuang² daun buliah pan-djago² diri mandanga kato nan bak kian mandjawab padja si Pulai:

Mamak kanduang Sidi Palembang eloklah pisau nan ketek nangko baiak pa-ngarek² kuku elok pa-huni² saku sadang elok paruntjiang kalam sabagai lai mamak kanduang kaba barito hambo danga susah balati nan pam-bunuah atau pa-lapeh²kan kasam eloklah pisau nan ketek kok katjiak bana lado padi 'ibarat ombak dilautan ombak dan rijak kalau ketek djanganlah injo diabaikan banjak bahajo didalamnjo alah banjak sampan nan tatungkuik alah banjak biduak nan takaranu ombak nan ketek mahabisi.

Mandanga kato nan bak kian galak tasanjum Sidi Palembang lalu badjalan hanjo lai si Pulai taruih injo pulang mandjalang korong dengan kampuang ijolah nagari Sungai Batang dekan murah Allah mambati salamet sadjo palangkahan tak ado maro nan malintang sarapai dikampuang hanjo lai alah sampai dipasa Manindjau.

Turun sakali dari bendi badjalan sadjo lambek² peti didjudjuang dikapalo nak buliah hari lakeh malam djangan adò urang nan tahu bahaso injo alah pulang ki-ro² pukua sambilan alah hampia langang dalam kampuang sampai si Pulai dihalaman ijo dirumah mandeh kanduang didalam ranah Koro Tuo taruih sakali masuak rumah takadjuik rupo bunjonjo lalu diambiak malah peti disami-

baik dari kapalonjo lalu bakato maso itu.

Mangapo malam anak tibo hampia tatjangang bundo tadi mandjawab malah si Pulai barakat do'a dari bundo alah lah pulang hambo kini salamat sadjo tengah djalan tidak kurang suatu apo tapi saketek hambo mintak djanganlah tahu urang dahulu hambo nak tahu nan tadjadi hari Arba'a hambo mahilia tolong suruakkan peti nangko ijo kadalam biliak dalam mandanga kato nan bak kian mandjawab malah bundonjo:

Kalau baitu kato anak insja Allah baiaklah itu tidak bundo mangabakan walaupun siapa nan batanjo dari malam samalam nantun sasudah pisau diasahnjo sajiang harimau dipinggangnjo badjalan injo dari rumah badjalan bilia dengan mudiak dimano urang biaso lalu alah siang hari injo pulang.

Pai karumah bundo kanduang basambunji didalam biliak dalam tibo dimalam nan kaduo ijolah hari patang Salasa badjalan pulo hanjo lai pai kabawah rumah bini karumah si Sabariah mandanga2 patuturan sbuah tidak dipadapek mukasuik sangadjo dalam hati mantjari padja si Suman akan dibunuah mati2 akan ditanam hiduik2 akan dipukua dari balakang Allah ta'ala kajo sungguah tidak adja bapantang mati tidaklah dapek padja si Suman haripun siang hanjo lai.

Kiro2 pukua sambilan pailah si Pulai kapakan ijolah pakan Arba'a dalam ranahnjo kampuang Kubu barantu handai dengan tolan samo batanjo samuanjo pabalo tibo Suran siko ijolah dikampuang kito laikoh salamat padjalanan laikoh dapek nan ditudju samuanjo dijawab dengan baik muko manih basopun baiak.

Alah sarantang padjalanan tasirok darah didado ka-

rano malibek urang lalu ijolah si Sabariah batamu pandang maso itu takadjuik pulo si Sabariah lalu batanjo dengan riang: Pukua barapo tuan tibo lai salamat padjalanan apokoh sabab balun pulang dek sangat riang dalam hati aia mato iriang gumiriang kok tidak malu di urang banjak amuahlahi njo marahok mahantakan badan nan gombangtu kaharibaan suaminjo sampailah bak pantun urang kini:

Alah kambang bungo pandan
 luruih kabunnjo si Gumanti
 Alah datang njawo badan
 kuruih badan dek mananti

Marilah kito pulang dahulu bialah bundo mam-bali2 untuak makanan kito nanti bundo kanduang lai kapakan.

Mandanga kato nan bak kian mandjawab malah si-Pulai adiak kanduang si Sabariah gadang rasonjo didalam hati salamo nangko hambo badjalan alah batamu djo adiak kanduang tapi kaharok hanjo adiak satahun hambo badjalan tidak mambao apo2 uwang tidak kain pun tidak pulang ibarat pulang ula malarat dirantau urang.

Kalau dipikia untuang badan pajah malapeh urang dikampuang bak manembak djo badia patjah tidak ibarat urang lain mandanga kato nan bak kian manangih si Sabariah djangan itu tuan pikiakan itu nan djangan tuan sabuik.

Dulak dalai Kualo Dalam
 pandan lah banjak salaronjo
 Buruak baiak eloklah ganggam
 adiaklah banjak sangsaronjo

Tigo ringgik tengah salapan
 sabulan tigo puluhan hari
 Nan lai samo dimakan
 nan tidak samo kito tjari

Mulah kito pulang dahulu dirumah nan banjak karadjo banjak nan patuik kito sabuik tapi sabalun kito pulang kito tamui bundo dahulu supajo injo buliah tahu alah pulang minantunjo.

Mandanga kato nan bak kian manuruik padja si Pulauai lalu ditjari bundo kanduang ijolah Siti Sariaman batamu dipakan bareh baru tampak dari djauah takadjuik Siti Sariaman barubah rupo mukonjo umpamo putjek2 kian lalu bakato maso itu:

Alah lah pulang malah Sutan gadang rasonjo dalam hati bagai gunuang Sutan diharok tampek balinduang kapanasan tampek bataduah kahudjanan eloklah pulang Sutan dahulu nantikan hambo dirumah buliah kito bapadu padan.

Mandanga kato nan bak kian mandjawab malah si Pulauai kalau baitu kato mandeh insja Allah baiaklah itu lalu badjalan hanjo lai bagai barabah tabang duo satu gariang satu kulari pamenan mato dek nan banjak salamat sampai dirumah dek lamo bakalamoan alah duo tigo hari agak dek Siti Sariaman di tampan2 dari dakek di pandang2 dari djauah dilihek dikarenahi.

Tahulah injo maso itu bahaso minantu pulang bansaik tidak mambao apo2 pado hal kurang paresonjo si Pulauai injo basambanji handak mangudji mintuonjo baitu pulo djo bininjo dalam dangkeknjo lubuak sanan sadang dek mandeh Sariaman hati batambah susah djuo badjalan hilia djo mudiak minantu turun injo naiak mi-

nantu tibo injo badjalan.

Ba-kato2 injo kurang katonjo alah nan banjak padiah iji-olah suko mambirunguik salah saketek sadjo anaknjo lalu dipukua ditampeleng alah banjak amun dengan maki alah banjak upek dengan tjatjek makan sadjo anak nan tahu basikuwek sadjo mahabihkan.

Mandanga kato danikian malihek kurenah tijok hari si Pulai sudah ma'alum ditahan sadjo dalam hati sabanjak itu urang dikampuang surangpun tidak urang nan tahu.

Anak sinjamuak dalam padi
 tjuko didalam pabaresan
 Sungguah baramuak dalam hati
 dimuko tidak kalihatan

Adolah pado suatu hari hari Salasa maso itu sa-panggalah matohari naiak kiro2 pukua salapan alah sasalai minum pagi bakato si Pulai pado bininjo: Adiak kanduang si Sabariah alah tudjuah hari hambo dirumah patuik zijarah hambo dahulu kapado kaum dan kirabat didalam korong djo kampuang kini baitu nan dimukasui snbanta lai hambo pai karanah kampuang Subarang dalam nagari Tandjuang Sani ado balahan ajah disanan hambo badjalan malah dahulu barisuak pagi hambo kambali.

Mandanga kato nan bak kian mandjawab si Sabariah kalau baitu kato tuan itu mukasuik baiak bana tidak dapek hambo mambantah salamar sadjo tuan didjalan.

Mandanga kato nan bak kian ditarimo suko dek si Pulai lulu badjalan hanjo lai lapehlah ranah Labuah Tagak sampai diranah Euah Pondok dek lamo lambek didjalan sampai dikampuang Tandjuang Sani lalu baranti injo disanan tidaklah taruih injo badjalan.

Alah sandjo ruponjo hari injo babaliak hanjo lai kadalam kampuang nagari alah malam hari maso itu kiro2 pukua salapan badjalan si Pulai kasanan karanah kampuang Koto Tinggi tidak ado urang nan tahu paisakali kabawah rumah ijolah rumah si Sabariah handak mandanga patuturan agak dipasang malah talingo dek hatta takdir Allah tadangalah rundiang maso itu suaro Siti Sariaman.

Anak kanduang si Sabariah eloklah ikuik parintah denai buliah selamat badan kau kalau pulang suami kau kambali dari subarang sabalun injo pai kapakan mintaklah kato kasudahan nak buliah sanang hati kau alah atjok kali mandeh manjuruah tidak djuo kau ikuti kau nan tidak anak denai.

Badjalan kau dari siko den basuah djadjak kaki kau turuikkan bana suami kau tidak buliah kau kamari kito batjarai maso kini ibarat bakarek rotan tatapi kalau kau ikuti selamat sadjo badan kau nan lai samo kito makan nan tidak samo kito tjari kau balaki urang kajo buliah kau disanangkannjo buliah dibaonjo kau badjalan ijo karanah Bangkahulu.

Mandanga kato nan bak kian manangih si Sabariah kalau baitu kato bundo tidaklah dapek hambo bantah tapi saketek nan taraso: Demi Allah demi Tuhan dami radjo sagalo alam hati hambo tidaklah sulko akan batjarai djo suami hanjo rapaso dari bundo kok hambo bundo usia kamano hambo pai lai suami hambo urang misikin tidak baharato nan bak urang kok tibo injo barisuak hambo ikuik malah kato bundo.

Sudah tadanga dikato itu si Pulai badjalan hanjo lai jat karumah mandeh kanduang disanan injo samalam itu

namun malam samalam nantun sakalok tidak tatiduakan hati nan kambang2 kampih darah ta-sirok 2djuo tjando parangai kaluah kasah tidak mandapek katatapan.

Pukua limo pagi hari lalulah bangun hanjo lai lalu sakali pai mandi alah sudah sambahjang subuah duduak sabanta minum rokok pai sakali karumah bini umpamo urang dari subarang babaliak baru pagi hari adapun si Sabariah ditarimonjo dengan sutji hati.

Ampun baribu kali ampun ampunlah hambo mangabakan. Allah mambuek sakahandaknjo tidak dapek kito mambantah Injo lah Tuhan nan Kajo sungguahpun duduak si Pulai tengah rumah duduak mananti nasi masak mahadokkan muko kahalaman hari nan pagi maso itu sapanggalah mato hari najak tjando awan ba-kumpa2 anak pipik bunji mantjitjik angin man-dasuib2 ketek hari Arbaa maso itu sedang karami urang di balai sanang ka langang urang di kampuang.

Ado sabanta antaronjo alah masak nasi dengan kopi manatiang si Sabariah alah makan padja si Pulai lalu dipanggia si Sabariah kamari2 adiak duduak makan sadaun kito kini kok tidak sadaun lai njawa didalam taringan Allah.

Mandanga kato nan bak kian manangih si Sabariah mangapo baitu ruan sabuik tidak elok ruan baitu elok nan baiak kito tjinto makanpun taruih hanjo lai.

Alah sudah minum djo makan piriang ditatiang hanjo lai sedang manatiang kabalakang si Sariaman manantikan ijolah didapua api lalu bakato babisiak :

Lakehlah mintak kasudahan buliah den danga dari siko mandanga kato nan bak kian si Sabariah diam sadaun djo tidak injo ba-bunji2 lalu bakato hanjo lai alah

sampai injo dilua bakato padja si Pulai:

Lakekkan malah kain adiak nak buliah kito kapan ikolah kain lai sahalai lalu dibukak bungkusannjo adiak kandung si Sabariah salamo iko hambo badjalan ikolah hanjo pambaoan hambo lalu dibarikan kain nantun.

Babadju suto baralun salendang suto kamalaren saruang batiak Pakalongan disuruah pakai hanjo lai alah sudah injo mamakai lalu mamakai sanan si Pulai adiak kandung dangakan djuo hambo bari uang saringgik ko' tidak tjukuik kito tambah ditambah saringgik lai eloklah banjak babalandjo taragak kito dibantai taragak kito dilawuak atau makanan nan badarah.

Mandanga kato nan bak kian lalu disambuik uang nantun si Pulai mamakai pulo pakai sarawa Djawa haluih mamakai badju guntieng Tjino saruang bugih disandang pulo deta teleng mambalah banak alah sudah kain dipakainjo lalu bakato hanjo lai: Adiak kandung si Sabariah elok dahulu adiak turun nak hambo lihek njato? nak sanang raso dalam hati.

Mandanga kato nan bak kian galak tasanjum Sabariah tabajang tjando lasuang pipik takadjuik ajam dihalmau malihek bajang? gigi disangko nasi nanlah djatuh kironjo sanjum Sabariah sadjak bamulo dari djandjang si Pulai malihek dari rumah diliheknjo langkah Sabariah dipandang rupo lenggang badan padjalanan si gandjua lai pado pai suruik nan labiah alu tataruang patah tigo samuik rapidjak tidak mati alah hampia hilang dari nito mamanggia padja si Pulai:

Adiak kandung si Sabariah eloklah pulang adiak dahulu ado saluah den katokan adiak kok ado kating-

galan mandanga kato nan bak kian babaliak si Sabariah taruih sakali masuk rumah lalu bakato hanjo lai apo nan tuan himbaukan tadi alah djuah hambo tuan panggia mandjawab padja si Pulai:

Ka-mari2 adiak duduak buliah kito bapadu padan nak sanang raso dalam hati adiak kandung si Sabariah mamintak hambo dengan sutji sajang sarato tajinto hari kok ado hambo salah silik tangan kok ado nan tarantjah muluik kok ado nan radorong samuanjo mamintak dima'afkan adiak kandung dangakan bana :

Kamari hari Salasa
 dibuo kapakan limau puruik
 latak dikadai rang Piaman
 dibali anak Bukit Tinggi
 balabuah kapa dari Padang
 sampan balajia duo2
 balabuah tantang pulau Pandan
 ditantang kabun Majang Sati
 Adiak kok raso kamanjasa
 eloklah kito ganljua suruik
 hilang rupo takadjuik roman
 randah gensi sabab dikami
 adiak ameh intan bakarang
 kami lojang kanso tambago
 tak dapek untuang disamokan
 elok batulak hambo kini

Dangakan sabuah lai:

Tarantang kawek ka Batawi
 tarantang lalu kapaseban
 Bari barungkek kapeh pandji
 putjuak dilendo daun pawuah

Batang dilintuah si-ramo2
 apo diharok pado kami
 randah gensi mudo tinaman
 Didjua tidak urang mambali
 ditanam tidak kundjuang tumbuhan
 ditaruah apo kagunonjo

Dangkalan sabuah lai :

Tinggi bukit di Singgalang
 sadjadjar dengan gunuang Marapi
 talang didakek rumah Datuak
 babelok djalan ka Sigiran
 disanan unggun djo djarami
 sarik kalando buruang sadjo
 Adiak kahduang sibiran tulang
 djangan ditompang untuang kami
 gadang dek bareh urang di handuak
 rantjak dek kain palusuaran
 tasisial dari tampek nan rami
 adiak kakanai buruak sadjo

Adiak kanduang si Sabariah kini baitu malah nan elok
 rantjak adiak alah hambo pandang kini turuiklah 'adat
 kitu natak biaso dengan do'a turun biaso dengan suko
 ambiaklah lakeh anak kuntji tolong kaluakan kain ham-
 bo nan ado ditaruah disiko lai sahalai duo ha-
 lai katiko hambo akan badjalan ajam nak pulang kapaut-
 an kabau nak pulang kakandangnjo hambo nak pulang
 karumah bundo rilahkan djariah pajah adiak kau tata-
 rimo di urang misikin tidak ba-ameh djo baperak tidak
 ado harato hambo tidak sarupo djo nan banjak.

Kok tagak tidak samo tinggi kok duduak tidak sa-
 mo randah tidak dapek badagang djauah tidak dapek

maniru urang tidak marasai nan balajia.

Ampunilah hambo adiak kanduang sajang tapaso kito urak kasiah tapaso kito ungkai.

Mandanga kato nan bak kian tatjangang si Sabariah heran barjampua dengan rusuah lalu manangih hanjo lai aia mato djatuah bak hudjan bak maniak putuih pangarang lalu bakato sali sadan kakak kanduang dangakan bana :

Apokoh sabab tuan baitu mangapo tadorong kato tuan kalau hambo tuan-tinggakan kamano hambo kabagantuang kamano hambo manjarahkan diri tabuang buruak badan hambo djangan baitu kato tuan kok tuan handak badjalan baolah hambo kamano tuan buruak baiak eloklah ganggam badanlah banjak sangsaronjo kok hambo tuan tinggakan dengan siapa hambo duduak alah tingga hambo dinan lanjeh tapi samantang pun baitu tu-an kok dapek pangganti hambo tabuang hambo nan buruak itu tak dapek hambo sasa itu tak dapek hambo bantah.

Taluak bajua labuhan kapa
 Balandu duduak djo sikorji
 Bungo lajua kabunlah tingga
 tidak kumbang barulang lai

Mandanga kato nan bak kian si Pulai galak tasa-njum aia mukonjo tanang sadjo lalu diambiak malah rokok dihisok rokok sahisok asok mandulang kaudaro lalu bakato hanjo lai:

Adiak kanduang balahan njawa tali djantuang'rangkaian limpo mandanga kato adiak nantun barubek njawa dalam badan harapan tumbuah knmbali alah tahu hambo dihati adiak kasiah nan tidak basalinduang tapi

samantang pun baitu kok sajang bana adiak dihambo namuah manalkan sakik sanang namuah balaki dagang hino tapi adiak sadjo nan suko bundo kito tak suko lai.

Malin dimano badjua todak
 naiak sampan turun parahu
 Pakai pedoman hambo tidak
 angin bakisa hambo tahu

Naiak sampan turun parahu
 balabuah tantang Bilang2
 Alah tigo bulan hambo tahu
 bahaso nan buruak kadibuang

Mandanga kato nan bak kian mandjawab si Sabariah: Batambah rusuah hati hambo.

Antah tapuang antahpun sadah
 antah diudang Muko2
 mangapo di Sariak dilendokan
 Antah asuang antah pitanah
 antah urang bantji dikito
 mangapo kakak ijokan

Kok bantji bana bundo dikakak ataupun dibadan hambo baolah hambo kamano pai bialah tingga korong kampuang bialah tingga rumah tanggo tingga tapian tampek mandi kok tabang ruan kalangik kabekkan hambo dikaki tuan kok mati2 bak kini:

Tuan mandi hambo manjauwak
 nak samo ba-basah2
 disanan sariak mako sudah
 Tuan mati hambo mangamuak
 nak samo bakalang tanah
 disanan sajang nak sudah

Tadanga dikato itu mandjawab padja si Pulai Itu

nan djangan adiak sabuik eloklah adiak sugirokan lakeh lah bukak lamari tu tolong ambiakkan barang hambo buliah badjalan hambo kini mandjawab si Sabariah :

Kato hambo tidak barubah tidak barulak dari nan tadi malihék rupo damikian dirampeh kuntji dek si Pulai lalu sakali masuak biliak disanan peti tataruah handak dibukak malah peti sadang peti handak dibukak si Sabariah tibo pulo djanganlah peti tuan bukak baolah hambo kamano tuan pai kalauik djadi ikan pai kaudaro djadi buruang kabukik djadi harimau.

Manangih padja si Pulai sambia bakato salisadan:

Tjubolah djawab tanjo hambo adapun kato adiak tadi laikoh tabik dari hati kok lai nan sado itu basamo hilang malah kito adapun si Sabariah saketek sadjo injo mandjawab: Kato hambo tidak barulak kok mati kito samo mati.

Tadanga dikato itu hilang pangana hanjo lai tidak takana kapado Allah lalu disintak malah pisau pisau dibali di Lubuak Aluang lalu bakato injo disanun.

Adiak kandung si Sabariah rilahkan njawo adiak kandung samo mati kito nan elok tidak sampai injo mandjawab pisaulah main maso itu ditikam si Sabariah tabuaklah paruik maso itu dikariahno kiri djo kanan rapakiak si Sabariah ditikam pulo dilihianjo lalu dirangkok hanjo lai njawopun tjara dari badan.

Sadang dek si Sariaman sadang anak ba-tangka2 du-duak mananti dibalakang ijolah didapua api mandanga anak mamakiak rakadjuik injo maso itu dikadja karuang tengah marantak kabiliak dalam dilihék anak alah nati lalu mamakiak maso itu o Pulai anak bintjatjak mangapo hang bunuah anak den lalu malompek ka si Pulai ma-

riaman injo manggaruang kasakitan dilihek malah si Pulai lai ba-njawa2 bawuang lai tahu injo di urang tidaklah injo hilang aka injo mamakai ikek pinggang nan banamo tjawek amban ditahan tjawek nan gadangtu balun kalua paruik pandjang lalu bakato tuanku Damang.

Mangapo tasilap waang Pulai mangapo aka dihilangkan tidakkoh takuik pado Allah 'azaban gadang bahajonjo kalau urang mambunuah diri mandanga kato nan bak kian mandjawab padja si Pulai bunji suaro putuih2:

Tuhan Allah ampuni hambo barilah ma'af dek nan hadir . iko takdir dari Allah tidak dapek hambo marubah nan tasurek nan hambo batjo sadjak dirahim bundo kanduang tatapi sungguahpun baitu basabab djuo mako djadi tolonglah danga dek nan hadir.

Adapun badan hambo nangko alah njato urang misikin babangso randah dari urang dek sarik untuang badan nangko urang kasiah sadang lai elok urang harok sadang lai buliah ibarat batuduang daun pisang bagono sadang hari hudjan paneh tabuang ditengah djalan tidak urang mahaso lai.

Sabuah lai nan taraso alah adar dalam nagari kalau urang badjalan djuah kok pulang injo dari tantau banjak ruponjo nan dibao sungguahpun kawek nan dibantuak ikan dilauik dihadangnjo.

Ampuni djuo kato hambo banjaklah urang dagang kini kok pulang injo kanagari banjak mambao harato bando badjalan injo hilia mudiak mantjari sawah katagadai mantjari karambia katahagun bulek handaknjo katangannjo kok tampak pulo parampuan baiak rando ataupun gadih barapolah bisiak dengan dasuih lalu ba

ranjo kanan patuik anak siapa urang nantun alahkoh injo latunangan kok alah siapa namonjo suruah tulak lah dibandonjo bialah hambo datang kini kalau balaki urang nantun disuruah mamintak kasudahan.

Sabagai lai dek nan hadir tantang dibadan diri hambo tidaklah lamo hiduik lai hanjo nasihat hambo tinggakan adar limbago ateh dunia hinoado muliapun ado bangsaiik misikin ado pulo kajo malando djangan disabuik kalau urang kaditarimo akan diambiak kaminantu elok pikirkan malah dahulu djangan takanai kamudian djangan basipat urang kini :

Habili manih sapah tabuang tak dapek baguno lai elok pangisi palambahan nasihat kapado induak² dangakan malah njato².

Kalau anak bakasiah sajang djangan banijat mamitahkan momutuihkan silaturrahim azab narako tantanganjo ma'adailah dihambo surang djangan tadjadi duo kati to mekiak bani djo langik malihek parangai nan bak nangko kato hambo tidaklah pandjang tidak dapek disambuang lai dek sakik njawa kapai hambo mamintak sakali lai barilah hambo kato ma'af ampuni salah laku hambo lahia bathin dunia achirat djangan ado sangkuik paunkajo djangan ado urang piutang.

Maubanya kato nan bak kian manangih urang nan banyak samo tapkia samuanjo tamanuang tuanku Damang tapkia tuanku mandua disuruah tjari malah tandu si Pulau dibao hanjo lai kadalam nagari Bukittinggi.

Tantangan si Sabariah dikubuakan djuo sahari itu si Suramon alah barubek dado batando salamonjo bintang tadjung ateh djasonjo tidaklah hilang sampai mati tantangan padja si Pulau ado sahari antaronjo alah sam-

pai di Bubukittinggi alah diparésó malah badannjo ijo-
lah oleh tuan Dokter baru dibukak ikek pinnggang nja-
wapun tjarai hanjo lai.

Namun sa-bulan2 nantun rusuahlah urang Sungai
Batang dukolah urang Sapuluah Koto dimano duduak
urang barudiang si Pulai tidak dilupakan kalau ado
urang barusiak kapado anak parampuan ataupun anak
laki2 tasabuik djuo si Pulai tasabuik sabanjo Sabariah
tasabuik tjongkak Sariaman dek olok tumbuehlah utang
dek tjongkak badan binaso urang saba kasihan Allah urang
pahibo dapek dapek rahmat.

Si Pulai injo alah mati si Sabariah alah mati pulo
alah samo bakalang tanah alah galap tampan Koto Tinggi
alah samak djalan Panadjun alah langang rumah nan gadang
kok itu apo buliah buek kok ijo injo nan mati urang
nan tingga kok lai insaf lai dikana paruntuangan awak
ba Tuhan ateh dunia hiduik mangikuik parentah injo dja-
ngan dibao tjongkak diri.

Sabagai lagi akan tambahnjo tahadok pado urang ba-
njak labiah2 pado kaum parampuan djanganlah dunia
dipaturuikkan dek dunia mambao sasek djangan nafsu
takamuko nafsu pantang kakurangan hawa pantang ka-
randahan dek sasak raso dalam hati hati hibo batjam-
pua duko tidak dapek ditambah lai tjarito alah tamat
pulo akan barutuik buku nangko dangankan pantun
djo ibarat :

Harok di ameh perak urang
anak bakasiah handak dipisah
Kok hilang anak nan surang
hati nan tingga kaluah kasah :

Haroklah dagang Bangkahulu

RECEIVED
1954
MAY 10 1954
M. P. B. B. B.

digang karantau tak dibilang
 Eloh bapikia malah dahulu
 anak nan surang koknjo hilang

Tjaraikan anak dengan si Pulai
 lai si Suman kapangganti
 Kalau lah salah dimulai
 achir kalaknjo susah hati

Siupiak si Sabariah
 barumah di Koto Tinggi
 dikida djalan Panadjunan
 Umua habih djandjilah sudah
 samo maningga djo si Pulai
 salah badannjo marantangkan

Hari Arba'a pagi hari
 sedang rami urang kabalai
 sedang kalangang urang dikampuang
 Pado batjarai untuang kami
 labiah baiak batjamin bangkai
 nak sanang hati bundo kandung

Kalau hiduik dalam nagari
 djangan ditiru si Sariaman
 Budi haluih akan ditjari
 taguahkan pulo 'amal iman

Tirulah pi'il Sabariah
 budinjo haluih paham katudju
 namuah manahan angek dingin
 Bia mandapek susah pajah
 paham batimbang bataradju
 didunia injo tidak ingin

Si Pulai urang bamalu
adat nan mudo djo nan budjang
Elok pakaikan suruik lalu
haniangkan paham pikia pandjang
Ma'afkan hambo kalau salah
kok tidak hemat tjarmat
Sangat balinduang pado Allah
buku tjarito alah tamat

- T A M A T -

899